



Մ Ա Յ Ր Ա Թ Ո Ռ Ո Ւ Մ

1955 թվականի հունվարի 1-ին, Մայր Տաճարում, ամանորի առթիվ մատուցվեց հանդիսավոր սուրբ պատարագ: Ներկա էր հավատացյալների հոծ բազմություն: Պատարագիչն էր դերաշնորհ Տ. Վաղգեն եպիսկոպոս Պալճյանը: Սուրբ պատարագի վերջում սրբազանը հավուր պատշաճի քարոզ խոսեց:

Պատարագից հետո ողջ միաբանությունը, գլխավորությամբ Տ. Սահակ եպիսկոպոսի, այցելեց գերապատիվ Տ. Վահան արքեպիսկոպոսի բնակարանը՝ շնորհավորելու սրբազան հոր նոր տարին: Հյուրասեղանի շուրջը եղան նոր տարվա բարեմաղթություններ աշխարհի խաղաղության, Մայր Աթոռի հարստության և անասանության մասին և այլն:

Հունվարի 2-ին, Երևանի Ս. Զորավար եկեղեցում, մատուցվեց հանդիսավոր սուրբ պատարագ: Պատարագիչն էր դերաշնորհ Տ. Սահակ սրբազանը, որը և հավուր պատշաճի քարոզ խոսեց: Սուրբ պատարագից հետո դերաշնորհ սրբազան հայրը օծեց եկեղեցու պատկերները:

Հունվարի 3-ին, Լենինական մեկնեց գերաշնորհ Տ. Վաղգեն եպիսկոպոս Պալճյանը, Ս. Մննդյան և Զրորհյայց տոներին այնտեղ գտնվելու և տեղի տեսարժան վայրերի հետ ծանոթանալու համար: Ս. Մննդյան և Զրորհյայց տոնակատարություններից հետո գերաշնորհ սրբազանը վերադարձավ Երևան:

Հունվարի 5-ին, Մայր Տաճարում տեղի ունեցավ Ս. Մննդյան Ճրագալույցի երեկոյան հանդիսավոր սուրբ պատարագ, հավատացյալների հոծ բազմության ներկայությամբ:

Պատարագիչն էր բարձրապատիվ Տ. Գեորգ ծայրադուլն վարդապետ Վաթյանը:

Խորհրդավոր բացվում է վարագույրը, լրսվում է սարկավազի ձայնը՝ «Օրհնեա, Տէ՛ր», երգում է երգեցիկ քառաձայն խումբը: Սուրբ պատարագը արձակվում է, որից հետո սկսվում է նախատոնակը, երգվում է Մննդյան շարականը՝ «Խորհուրդ մեծ և սքանչելի, որ յայսմ աւուր յայտնեցաւ...»:

Հունվարի 6-ին, Ս. Մննդյան և Մկրտության օրը տոնվեց ամենայն հանդիսավորությամբ: Տաճարը լիքն էր հավատացյալների խուռն բազմությամբ: Պատարագիչն էր գերաշնորհ Տ. Սահակ եպիսկոպոսը, որն իր հավուր պատշաճի քարոզում վեր հանեց Քրիստոսի մարդեղության համամարդկային նշանակությունը:

Սուրբ պատարագից հետո տեղի ունեցան Զրորհյայց հանդեսի գեղեցիկ ու խորհրդավոր արարողությունները, հավատացյալների հոծ բազմության ներկայությամբ:

Հանդեսի վերջանալուց հետո, բազմությունը հորձանք է տալիս: Հավատացյալ ժողովուրդը, բաժակներով և սրվակներով, օրհնյալ ջրի իր բաժինը փոխադրում է իր բնակարանը՝ բացականչելով բաժանելու և նրանց սրտերում քանդակելու այն, ինչ հանդիսանում է օրվա զաղափարն ու էությունը:

Շնորհավոր Ս. Մննդեղ և Մկրտություն:

Հունվարի 5-ին և 6-ին, Ճրագալույցի և Ս. Մննդյան տոնակատարությունների առթիվ, Հոգևոր Ճեմարանի ուսանողներից մի քանիսը մեկնեցին Օշական: Տոներից ամսիջապես հետո նրանք վերադարձան Մայր Աթոռ:

Հունվարի 7-ին, Մայր Տաճարում մատուցվեց հանդիսավոր սուրբ պատարագ՝ մեռելոց հիշատակին: Օրվա պատարագին էր բարձրապատիվ Տ. Կոստանդին վարդապետը: Սուրբ պատարագից հետո տեղի ունեցան հոգեհանգստյան արարողություններ՝ «վասն համօրէն ննջեցելոց»:

Հունվարի 9-ին, գերաշնորհ Տ. Վազգեն սրբազանը սուրբ պատարագ մատուցեց Նրեանի Ս. Սարգիս, իսկ հունվարի 16-ին՝ Ս. Հովհաննես եկեղեցիներում:

Ս. Էջմիածնի Հոգևոր Ճեմարանի ուսանողները, ամանորի և Ս. Մննդյան արձակուրդների կապակցությամբ, տոներից հետո մեկնեցին իրենց հարազատների մոտ: Հունվարի 10-ին, արձակուրդներից հետո, վերսկսեցին Ճեմարանի կանոնավոր պարապմունքները:

Հունվարի 13-ին, Տիրոջ Անվանակոչության տոնի օրը, և հունվարի 16-ին, Կիրակի օրը, մեծ շուքով և հանդիսավորությամբ տոնվեցին Մայր Աթոռում: Երկու առիթներով

ևս պատարագին էր բարձրապատիվ Տ. Կոստան վարդապետ Տեր-Ստեփանյանը:

Հունվարի 16-ին, տեղի ունեցավ Մայր Աթոռի կրտսեր միաբան, շնորհունակ Պերճ սարկավագ Պետիկյանի ձեռնադրությունը, գերաշնորհ Տ. Սահակ եպիսկոպոս Տեր-Հովհաննիսյանի ձեռքով: Ձեռնադրությունը, ընծայացուի ցանկության համաձայն, կատարվեց Օշականում: Պերճ սարկավագը վերանվանվեց Մուշեղ: Նույն օրը երեկոյան, Մայր Տաճարում, կատարվեց նորոնծայի վեղարի տվությունը:

Հունվարի 17-ին, երկուշաբթի օրը, Վրաստանի մայրաքաղաք Թբիլիսի մեկնեց գերաշնորհ, Տ. Վազգեն եպիսկոպոս Պալճյանը՝ Ս. Մննդյան և Զրօրհնյաց տոնակատարություններին (հին տոմարով) այնտեղ գտնվելու համար:

Հունվար ամսվա ընթացքում, Սովետական Միության ալլեալ քաղաքներից, էքսկուրսանտների բազմաթիվ խմբեր են այցելել Ս. Էջմիածին՝ ծանոթանալու Մայր Աթոռին, տեսնելու և ուսումնասիրելու նրա դարավոր հնությունները:

